


From
Synod Literature & Publication Board
Synod Office
Aizawl – 796 001
Mizoram



LÂWRKHAWM

SYNOD OFFICE KAI HUN

Ni 1.3.2025–31.8.2025 chhûnga Synod Office kai hun chu dâr 9:30 a.m.–5:00 p.m. a ni ang.

CHHIM AREA COMMITTEE

Ni 30.1.2025 khân Lungleiah Chhim Area Committee a ðhu a; hetah hian Rev. R.C. Lalngâkliana, Moderator; Upa Vânlalsâwma Siakêng, Synod Secretary; Rev. R. Lalhming-sânga, Mission Board Secretary; Rev. V.L. Luaia Hránleh, Senior Executive Secretary leh committee member-te: Rev. Ramngînglova leh Upa C. Lalmuankima-te an kal.

SYNOD MISSION BOARD

Ni 5.2.2025 khân J.M. Lloyd Hall, Synod Office-ah Synod Mission Board Meeting wavi 185-na a ðhu a. Board Secretary report-ah – MZI-in Rimawi Award 2024 a buatsaihah Synod Mission Choir-in Best Choir Award an dawn thu a tel.

HOSPITAL BOARD

Ni 6.2.2025 khân J.M. Lloyd Hall, Synod Office-ah Synod Hospital Board Meeting wavi 150-na a ðhu a. Secretary Report-ah April 2024–Jan 2025 chhûnga damlo 293-te tâna charity pêksak zât ₹40,69,030/- a nih thu a tel.

FINANCE COMMITTEE

Ni 13.2.2025 khân J.M. Lloyd Hall, Synod Office-ah Synod Finance Committee wavi 153-na a ðhu a; Rev. R.C. Lalngâkliana, Synod Moderator-in a kaihuai a, Rev. Dr K. Lallâwm-zuala, Finance Officer-in report a pe.

‘BIBLE THU HLAWMTE’ TIH BU TLANGZARH A NI

February ni 4, 2025 (Thawhlejni) chawhma khân Synod Office Devotion Hall-ah Synod Literature & Publication Board (SL&PB) buatsaih ‘*Bible Thu Hlâwmte (Topical Bible)*’ tih chu Rev. R.C. Lalngâkliana, Synod Moderator-in Pathian hnênah ðawngtaia hlânin a tlangzarh.

Tlangzarh inkhâwm hi Rev. Dr K. Lallâwmzuala, Executive Secretary i/c SL&PB-in a kaihuai a; Rev. P.B. Zosâpthara, SL&PB Editor-in inhmêl-hriattîrna hun hmangin, lehkhabu buatsaih dân leh a nih phung tlangpui a sawi.

Kum 2013 October thlaa SL&PB Board Executive Committee (BEC)-in Topical Bible Concordance siam a rawtna chu SL&PB Committee-ah a thlen a. SL&PB Committee chuan rawtna chu pawmin, hma la zui tûrin BEC chu a ruat leh a. BEC chuan bawh zui tûrin sub-committee a din a. Kum 2022 May thlaa SL&PB BEC ðhu chuan Topical Bible Concordance Project chu tharthawh leh a rêl a, a

project hming pawh ‘Bible Thu Hlâwmte’ tih a ni a. A buaipui tûr hian Upa C. Lalbiaknunga, Durtlang North chu ruat a ni a. Ani hian lehlin leh thil tûl dang zawng zawng chu a buaipui ta a ni.

‘Bible Thu Hlâwmte’ hi Orville J. Nave-a buatsaih Nave’s Topical Bible behchhana siam a ni a, phêk 2,244-a chhah a ni. Thumal/Thu hlâwm thlûr bing (entry word) 4,628 leh thumal 15,37,759 a awm. Hetiang lehkhabu hi Mizo ðawnga kan la neih ngai loh a ni a, lehkhabu ro tling leh ðangkai, rawngbâwtute leh Pathian thu hriat fiah lehzual duhte tân belhfâkawm tak tûr a ni. Synod Bookroom-ah ₹1,200/-a lei theih a ni.

PATHIAN THU ZIR DUH TAN

Presbyterian Bible School, Mission Vêngah Certificate in Theology (C.Th.) zir tûr lâk a ni leh dâwn a. Dîl duh chuan hêng hi hriat tûr a ni e:

1. Admission form hi PBS Office-ah ₹10/-a lei tûr a ni.
2. Dîl hun chhûng – April ni 23, 2025 (Nilaini) tlai dâr 3 thleng.
3. Dîl thei chin – Pâwl VII pass, kum 16 aia naupang lo, kohhran dân chhûnga awm.
4. Interview hun – April ni 29, 2025 (Thawhlejni) chawhma dâr 10-ah PBS Lecture Hall-ah neih a ni ang.
5. Class ðan hun – May ni 5, 2025 (Thawhtanni).
6. Zir hun chhûng – Thla thum (May–August, 2025).

Hre Chiang duh tân Phone No. 8415852442 leh 8794157618-ahte zawh fiah theih a ni. Hostel a awm lo va, zir tûrte chu awmna tûr inngaihtuah mai tûra ngaih an ni.

Sd/-
(REV. LALENGZIKA)
Principal, Presbyterian Bible School
Mission Vêng, Aizawl

SYNOD Newsletter

EDITORIAL STAFF

Rev. P.B. Zosâphara
(82103 77892)

Rev. Dr K. Lallâwmzuala
Upa F. Lalthlamuana
Zohmingliana Colney

SYNOD CHHAWMDAWLNA

Tùn hnaia harsatna hrang hrang tâwkte hnênah Synod Relief Fund ațangin hetiang hian chhawmdâwlina pawisa pêk a ni:

Khua	Pêk chhan	Chhôngkaw zât	Pêk zât	Khua	Pêk chhan	Chhôngkaw zât	Pêk zât
Vaitin Vengthar	Khawsak harsa	3	30,000	Bûngtlâng Vêngsâng	Damlo	1	10,000
Khawpuar	Damlo	1	10,000	Zâwngtetui	Damlo	1	10,000
Neihloh	Damlo	1	10,000	Saihriam, Silchar	Damlo	1	10,000
Mamit Dinthar Vêng	Damlo	2	20,000	Zâwngin	Vânduaina tâwk	1	10,000
Phùllên Vêngthar	Damlo	1	10,000	N. Hlimen	Vânduaina tâwk	1	10,000
Bûngtlâng Bazar Vêngthar	Damlo	1	10,000	Belh khâwm			1,40,000

Editorial.....



A HUN TAKA THAWH

Synod Newsletter chhiartu zawng zawng chibai ka bûk leh a che u.

March thla kan lo chuang kai leh ta, lo lama eizawngte tân hna țau a țet leh dâwn ta. A sôr a sa hnuaiah hna rim taka thawh a ngai leh dâwn a. Kum tâwpa rah duhawm tak seng tûr chuan a hun taka tuh te, a hun taka thlawh fai te a ngai leh dâwn a, inthlahdah mai mai a rem lo a ni.

Thufingte bung 10:5-ah chuan, “Buh seng laia inhhêk khâwl chu fapa fîng a ni a; a seng hun laia muhîl erawh chu fapa, mualphona thlen țintu a ni,” tiin kan hmu a.

Kan Pathian pawh hi a hun bi dik taka che țin, a hun taka hna thawk țin, bawhpelh ve ngai lo, tlai ngai lo Pathian a ni. Pathian rawngbâwl hna pawh hi a hun taka kan thawh chuan rah duhawm tak kan seng țin.

Thil ța ti tûr pawh hian nakin ngâk lova tuna kan thawh mai hi a ngai. Nakin ngah hi mi thatchhe ngaihtuahna a ni châwk. Zirlai pawhin nakina zirah ngâk lova, a hun taka taima taka a zir țin chuan rah duhawm tak a seng țin. Kristiante hi a hun taka hna thawk tûr kan ni.

Pro. Pastor Orientation: January ni 28–31, 2025 chhônga Synod Conference Centre, Mission Vêng, Aizâwla buatsaihah Pro. Pastor 16 an tel.

KRISTIAN ȚHALAI PAWL

Khatla North Silver Jubilee: Ni 18.1.2025 khân Khatla North Branch KȚP Silver Jubilee hmanpuiin Central KȚP hruaitute an kal a. Rev. H. Lalawmpuia, Leader-in thuchah a sawi a; Pu K. Vânlalremruata, Committee Member-in lawmpuina thilpêk a hlân a; Mizoram Synod Choir an zai bawk.

Rorêl Inkhâwm lam: Ni 19.1.2025 zân khân Central KȚP hruaituten KȚP Rorêl Inkhâwm thlengtu tûr, Chawnpui Kohhran, Aizâwl an tlawh a. Rev. H. Lalawmpuia, Leader-in thuchah a sawi a, Mizoram Synod Choir an zai. Inkhâwm bânah Kohhran Committee leh Organizing Committee-te nê an inkâwm ho bawk.

Chanmari Bial Golden Jubilee: Ni 23.1.2025 khân Chanmari Pastor Bial KȚP Golden Jubilee lawmna hmanpuiin Central KȚP committee member-te: Ni. F. Lallianzuali leh T.Upa Lalremsiama Khiangtête an kal a, Mizoram Synod Choir an zai bawk.

Bial KȚP Conference: January ni 24–26, 2025 khân Bial hrang hrangah Bial KȚP Conference hman a ni a. Central KȚP hruaituten Bial ținkhat an hmanpui.

Prayer Day sawi honaah tel: Ni 24.1.2025 chawhnu dâr 2 khân Pu F. Rodingliana, P&E Minister room, MINECO-ah State Day (February 20) lawmna programme pakhat ‘Prayer Day’ chungchâng sawi ho tûra kohhran ținlai pâwl hrang hrang sâwm an nih angin, Central KȚP aiawhin Pu F. Lalremruata, Finance Secretary leh committee member-te: Pu H. Zosângliana leh T.Upa Lalremsiama Khiangtête an tel.

ECM KȚP Inkhâwmpuiah kal: Ni 30.1.2025–2.2.2025 khân ECM KȚP Inkhâwmpui wavi 63-na, New Laly-ah

Central KȚP aiawhin T.Upa Rinsailova Sailo, Treasurer leh Ni. F. Lallianzuali, Committee Member-te an kal.

LIKBKȚP Inkhâwmpuiah: Ni 6–9.2.2025 chhônga hman Lairam Isua Krista Baptist Kohhran Țhalai Pâwl (LIKBKȚP) Inkhâwmpui wavi 15-na, Vawmbûkah Central KȚP aiawhin Pu C. Lalkhawngaiha, Asst. Secretary leh Pu T.C. Lalhrui-tluanga, Committee Member-te an kal.

Bairabi Bial Golden Jubilee: Ni 7–9.2.2025 chhônga Bairabi Bial KȚP Conference wavi 50-na (Golden Jubilee), Bairabi Rel Station Kohhrana hmanah committee member-te: Pu H. Zosângliana leh Upa Lalbiakfela-te an kal.

KȚP Day hmang: Ni 16.2.2025 kha KȚP Day a ni a, Branch hrang hrangah mahni remchân anga lawm a ni. KȚP General Conference 2024 report-a a lan dânin, Central KȚP hnuaiah Branch KȚP 904 leh member 1,71,404 (mipa 1,04,736 leh hmeichhia 66,668) an awm.

KOHRAN HMEICHHIA

Puanțhui zir tûr batch hawng: Ni 24.1.2025 khân Women Centre, Phunchawnga puanțhui zir tûr kum 2025 batch hawna inkhâwm buatsaih a ni. Inkhâwm hi Pi Sailûti, Ex-Chairman-in a kaihuai a. Rev. Dr K. Lallâwmzuala, Executive Seretary i/c Kohhran Hmeichhiain zir tûrte fuihna hun a hmang. Tùn ținmah hian mi 50-in an zir dâwn a ni.

Bial Inkhâwmpui hmang: February ni 7–9, 2025 khân hmun hrang hrangah Bial Hmeichhe Inkhâwmpui hman a ni a. Hemi hmanpui hian Central Committee Member-te Bial hrang hrangah an kal.

Râl Vêngtu



Mite chuan Râl Vêngtu chu an rawn pan leh a, "Hmânnia i sawi bâk kha min hrihl tûr pawimawh i la nei em?" an ti a. Râl Vêngtu chuan, "In la ngaithla peih ang maw?" tiin phûr takin –

"Hmâna ka thil sawi kha in la hre reng em? Thil ða pawh hi sawi vak mah ila, in kal sawn a, in theihngihl leh mai zêl chuan a sâwt pawhin ka ring lo va. Kum 1984-ah khân kohhran sawi-chhetu leh intizâwlni, bâwm-ak thu, khawi emaw laia tu inlârna hmu emaw an lo la chhuak ang a, chûng chu engah mah ngai suh u, ringtute chiahi loh tûr ka tih kha.

"Kohhran chungchâng leh rawng-bâwltute chungchâng pawh bâwm-ak thu ang deuhvin a lo thang ta fo mai a, in lo chi-ai mai ang e. A sawi hnu-hnung apiang thu hi âwih ngawt tûr a ni lo. Nghet takin ding tlat ang che u.

"Kan en vêl che u a, in kutah mobile phone in hûm vek mai a, khawvêl a lo changkâng ta a ni. In mobile nei changkâng tak tak kha, nangmân changkân khalh ang che. In thuhnuaiah awm tlat bawk rawh se, in hun tam zâwk hi in thil hûmah khân in hman palh chuan, Pathianin hun hlu tak mai a pêk che u kha in khawh ral mai mai dâwn a ni. Mi hmanten an thu dah zawng zawng kha in awih phei chuan rilru put dân tûr in hre lo mai ang. Kohhrana an hmêl hmu tûr pawh awm mang lo te hian kohhran hmangaih âwm takin sâwma pakhat leh thil dang dangte pawh a nihna dik tak hre famkim si lovin, hre âwm takin thil an rawn sawi ang a, anmahni hlâwkna tûr a nih dâwn chuan dik lo hret pawha thu ziah an hreh dâwn miah lo a nia. Chutiang lakah chuan buai ve duh miah suh u, kohhran inngahna Pathian hian a chhiat a phal dâwn miah lo tih in hre reng dâwn nia," tiin a lo fuih a.

SYNOD HOSPITAL, DURTLÂNG THILPÊK DAWNTE (January 2025)

I. CHARITY FUND PETUTE		25. Model Vêng Kohhran	36,860
1. Pi Lalremi, Zêmabâwk North	5,000	26. Synod Hospital, Tlâng Vêng Naupang Carol sum hmuh	6,000
2. Dr Lalmalsâwma Nghâka D-3 Business Enterprise	5,000	27. Khatla Pharmacy, Khatla	2,000
3. Pu Zodinliana, Mission Vêng	2,000	Belh khâwm	2,26,530
4. Upa C. Ngûrthanmawia, Zêmabâwk	1,000	II. THISEN PETUTE Unit zât	
5. Pu Lalduhawma, Leitan	10,000	1. Aizâwl Theological College	32
6. Upa Hmingthanga Vârte, Khawzâwl	1,000	2. KÏP, Tlângnuam South Branch	26
7. Pu R. Lalrinmawia, Durtlâng	5,000	3. KÏP, Sihphîr Vêngthar Pastor Bial	24
8. Pi Lalthantluangi, Zârkwat	1,000	4. KÏP, Zêmabâwk North Pastor Bial	39
9. H.C. Sânghleia (L) & Family, New Sêrchhîp	2,000	5. KÏP, Maubâwk Pastor Bial	36
10. Pi Lalhmuaki, Vênglui	5,000	6. KÏP, Zonuam Pastor Bial	58
11. Pu Victor Zothansânga, Mission Vêng	1,000	7. KÏP, Zuangtui Pastor Bial	33
12. Pi Chawngchhîngi, Mission Vêng	1,000	Belh khâwm	248
13. Pu Zohmingliana, Ramhlun Vêngthar	1,000	III. THIL DANG PETUTE	
14. Dr Lalthanga, Leitan South	10,000	1. Bethlehem Vêngthlang Kohhran Hmeichhia – Nebulizer panga (5).	
15. Pi Zosângi Nghâkliana, Zârkwat	3,000	2. Hming thup – Palliative care tân ₹20,000/-	
16. Synod Hospital Staff-te	5,900	3. ATC 2024 nuho – Bench 5.	
17. Hming thup	5,000	LAWM THU SAWINA: Hospital mamawh chi hrang hrang petute chungah Pathian hmingin lâwm thu kan sawi a. A lét tam takin Pathian malsâwmna lo dawng zêl ang che u. Thil pe duh tân Director (94361 41739) leh Nursing Superintendent (94361 52751)-te hnênah eng lai pawhin inhriattîr theih a ni e.	
18. KÏP, Tuithiang Vêngchhak Branch	10,000		
19. KÏP, North Hlimen Vêngthar Branch	6,000		
20. Hming thup	10,000		
21. Durtlâng Kohhran Naupang Sunday School, Krismas Inkhâwm thawhlâwm	45,800		
22. West Phailêng Kanan Vêng Kohhran Ramthar Committee	10,000		
23. Lungdai Kohhran	2,000		
24. Champhai Vêngsâng Kohhran	33,970		

Rev. R. Lalvulluaia
Chaplain Sr, Synod Hospital, Durtlâng

SOCIAL FRONT

Seminar buatsaih: Ni 1.2.2025 khân Kâwnpuih Tuihna, Ramngaw leh Nungcha Humhalh Seminar hmanpuiin Dr Lalbiakmawia Ngênte, campaigner a kal.

Inhmuh khâwmnaah tel: Ni 4.2.2025 khân SAD Conference Hall-II, MINECO-ah Social Welfare, Tribal Affairs & Women and Child Development Department huaihawtin National Commission for Scheduled Tribe hotuten Mizoram an rawn tlawh tûr denchenin kohhran hrang hrang aiawh inhmuh khâwm a ni a. Hetah hian Synod aiawhin Pu Albert Lalhmangaiha, Asst Co-ordinator, Synod Office leh Pi Lalbiaktluangi, Superintendent, Hmangaihna In-te an tel.

SYNFO

Committee hmasa ber ðu: January ni 22, 2025 chawhma dâr 11 khân term thara SYNFO Committee Meeting

hmasa ber a ðu a. Meeting zawwah SYNFO Office leh studio an fang kual.

Pandal en fel: Ni 30.1.2025 khân Kohhran Hmeichhe Inkhâwmpui Lian nghahna tûr pandal-a video coverage dân tûr en felin Pu H. Lalânpuia leh Pu David Lalruattluanga-te Thên-zâwlah an kal.

CAMPUS MINISTRY

Vânbâwngah hun hmang: Campus Ministry chuan January ni 14&15, 2025 khân Vânbâwng khuua sikul hrang hrangah Vânbâwng Educational Service Association (VESA) ruahmannain rawngbâwlna a buatsaih a. Hetah hian Rev. H.L. Thianghlima (Director), Tv. Lalrinchhana (Counsellor), Upa K. Lalêngzâma leh Pu C. John Saipârliana-te an kal a. Presbyterian English School (PES), Govt Primary School-I & II, Middle School-I & II leh High School-ahte hun an hmang.

ZIRTIRTU TRAINING

MSSU atangin Sunday School zirtirtu training pein hetiang hian trainer-te an chhuak:

Ni 18.1.2025 khân *Chawngte P Bialah* Upa K. Vânlalngâka, Upa Isak Zârzoliana Chhangte leh Upa H. Lalnginglova; leh *Airfield Vêngthar Bialah* Upa Hrilthansânga, Upa C. Lalbiaksânga leh Upa Lalsiammawia Pachuau.

Ni 1.2.2025 khân *Zêmabâwk South Kohhranah* Upa C. Lalbiaksânga leh Upa R. Lalmuanpuia.

Ni 14.2.2025 khân *Châltlâng South Kohhranah* Upa Lalthan-chhûnga.

Ni 15.2.2025 khân *Bûngtlâng South Bialah* Upa Hrilthansânga leh Upa Lalsiammawia Pachuau; *Mêlriat Kohhranah* Upa K. Zoremsânga, Upa Zionpârlawma leh Upa Dr Lalhmachhuana.

ZAI HRUAI TRAINING

Worship Department atangin Zai Hruai Training pein ni 6.2.2025 zân khân *Tlângnuam Vêngthlang Kohhranah* Pu Benjamin Sailo, Music Instructor a kal a; February ni 13&14, 2025 khân *Thênzâwl Vêngthlang Kohhranah* Pu H. Lalrinmawia, Senior Music Instructor a kal bawk.

ACCOUNTS TRAINING

Finance Department atangin Accounts Training pein ni 18.1.2025 khân *Phunchawng Kohhranah* T. Upa R. Lalbiakdika leh Pu Lalhruaizêla Râltê-te an kal a; ni 1.2.2025 khân *Chanmari Kohhranah* Upa Lalrosânga Kâwlni leh Upa Vânlalrâwna Khiang-tête an kal bawk.

SIKUL TLAWH

Ni 8.2.2025 khân PES sikul pathum – Kângmun, W. Lungdâr leh Reiek PES-te tlawhin Rev. Dr Rosiamliana Tochwang, Executive Secretary leh Pu P.C. Vânlalhruaia, Supervisor of Schools-te an kal.

MIZORAM CHRISTIAN COLLEGE

♦ Industrial Visit

Ni 2–10.1.2025 khân Management Department chuan Kolkata-ah Industrial Visit hun an hmang a, zirtirtu 2 leh zirlai 8 an kal. Ni 7–14.1.2025 khân Commerce Department 6th Semester zirlaite pawhin Kolkata-ah vêk hian Industrial Visit hun an hmang a, zirtirtu 2 leh zirlai 6 an kal.

Ni 24.1.2025 khân Planning & Programme Implementation Department, Govt of Mizoram buatsaih ‘Chief Minister Bâna Kaih Innovation Challenge’ hun hmanna, Vâna Pa Hall-a tel tûra sâwm an nih angin MCC zirtirtu 5 leh zirlai 28 an kal.

♦ Peractio Course hawng

Ni 24.1.2025 khân Political Science Department chuan an department room-ah kum 2025 atâna Peractio Course hawna hun an hmang a. Hetah hian Gospel Biakhmingmawia, Proprietor, Gospel Aluminium-in ‘Small Business Startup’ tih thupui a sawi.

♦ Huaisen Chawimawina

Commerce Department-a 2nd Semester zirlai Lalhriatzuali d/o R. Vânlalsâwma, Thênzâwl Bazar Vêng chu January 2025 kâr tâwp lama Indian Council for Child Welfare (ICCW)-in Bravery Award 2024 a pêk zîngah a tel. Lalhriatzuali hian June 2024 khân a u ei rawngbâwl chu current-in a man tih a hmuhin a keah a pawt a, amah pawh current-in a man tel ve deuh nghe nghe a. Chumi hnuah a u chu thlahin a t-shirt-ah a pawt leh a, a chhanchhuak ta a ni.

♦ Hmasâwnna tûr zir chiang

Planning & Programme Implementation Department, Govt of Mizoram in *CM Bâna Kaih Innovation Challenge* a buatsaihah MCC chuan Hortoki kua a chang a. Khaw zir chiang tûr hian ni 5–8.2.2025 khân zirtirtu 5, office staff 1 leh zirlai 18-te Hortoki kuaah hian an riak lût.

♦ Vice Principal inthlâk

MCC Vice Principal, Dr Lalthansânga C. chu Mizoram University hnuia a thawh tâk avângin, MCC Governing Board wawi 36-na chuan Dr Benjamin Lalfakzuala, Assistant Professor, Department of Political Science chu Vice Principal atân a ruat a. Ani hian February 1, 2025–January 31, 2027 chhûng Vice Principal mawhphurhna hi a chelhang.

♦ Rural Expedition

MCC chuan kum tina an tih thin angin January 29–February 1, 2025 chhûng khân Khawbêlah ‘Rural Expedition’ an hmang a. Hetah hian 6th Semester Arts zirlai 39 leh zirtirtu 5 an kal a, Khawbêl Kohhranin a lo thlang a ni.

♦ Result tha

Mizoram University chuan nikum kum tâwpa Odd Semes-ter Exam Result a tichhuak a, hetah hian MCC chu a ti tha pâwlah a tel. Result tlângpui chu hetiang hi a ni: MCC zirlai exam zawng zawng zât 292 atangin 239 (81.85%)-in an pass a. National Education Policy (NEP) hnuia Arts Streams-ah 1st leh 3rd Semester exam-a MCC pass percentage chu 83.78% a ni a, hetah bîk hian MCC hi Mizoram pumah 2-na a ni. Tin, Commerce Stream-ah pawh MCC pass percentage hi 86.27% a ni a; Mizoram University hnuia Commerce zirna college 8 zîngah 2-na a ni. MCC zirlai Arts 3rd Semester leh BBA 5th Semester exam zawng zawng an pass bawk.

QUARTERS EN FEL

January ni 29&30 khân Lunglei Chanmari Pastor Quarters ram en felin Pu Lalramênga Royte, JE a kal a. January ni 30&31 khân Champhai Rescue Home Director Quarters en felin Pu Lalhriatrenga, JE a kal a.

Ni 11.2.2025 khân Tumpui Bial Pastor Quarters sak mêk en felin Pu Lalramênga Royte, JE a kal.